

ხელშეკრულება

ქ. თბილისი

30 მაისი, 2018 წ.

ერთის მხრივ სს „ელექტროენერგეტიკული სისტემის კომერციული ოპერატორი“, წარმოდგენილი მისი გენერალური დირექტორის ვახტანგ ამბოკაძის სახით (შემდგომში „შემსყიდველი“) და მეორეს მხრივ შპს „ჰაი-ტექ სოლუშენს“, წარმოდგენილი მისი დირექტორის მალხაზ სხირტლაძის სახით (შემდგომში „მიმწოდებელი“), სახელმწიფო შესყიდვების კანონის, სატენდერო პირობების, დოკუმენტაციისა და წინადადების საფუძველზე, **SPA180004112** ელექტრონული ტენდერის ჩატარების შედეგად, დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი და შესყიდვის ობიექტი

- 1.1. ხელშეკრულების საგანს წარმოადგენს 1.2. პუნქტში აღნიშნული შესყიდვის ობიექტი.
 1.2. შესყიდვის ობიექტს წარმოადგენს სერვერი, თანმდევი მოწყობილობებითა და მომსახურებით (საინფორმაციო სისტემები და სერვერები-CPV 48820000), წინამდებარე ხელშეკრულების №1 დანართის შესაბამისად.

2. ხელშეკრულების ღირებულება

- 2.1. წინამდებარე ხელშეკრულების ჯამური ღირებულება შეადგენს სულ **387 932.00** (სამას ოთხმოცდაშვიდიათასცხრასოცდათორმეტი) ლარს დღგ-ს გათვალისწინებით (328 755.94 ლარი დღგ-ს გარეშე).
 2.2. ხელშეკრულების ჯამური ღირებულება მოიცავს შესყიდვის ობიექტის შესყიდვასთან, ინსტალაციასთან, მიწოდებასთან დაკავშირებულ ყველა ხარჯსა და საქართველოში მოქმედი კანონმდებლობით დადგენილ გადასახადებს (გადასახდელებს).

3. ანგარიშსწორების ფორმა

- 3.1. ანგარიშსწორება განხორციელდება ეტაპობრივად, „მიმწოდებლის“ მიერ ფაქტიურად მიწოდებული შესყიდვის ობიექტის (მისი ცალკეული შემადგენელი ნაწილის) ღირებულების შესაბამისად, მიღება-ჩაბარების დამადასტურებელი შესაბამისი დოკუმენტის საფუძველზე, საანგარიშსწორებო დოკუმენტაციის წარმოდგენიდან 5 (ხუთი) სამუშაო დღის განმავლობაში.
 3.2. ფაქტიურად მიწოდებული შესყიდვის ობიექტის (მისი ცალკეული შემადგენელი ნაწილის) მიხედვით მიმწოდებელთან ანგარიშსწორებისას, შემსყიდველი უფლებამოსილია ასანაზღაურებელი თანხის ოდენობიდან გამოკვეთოს (შეამციროს ანაზღაურება) წინამდებარე ხელშეკრულების 12.1. პუნქტში მითითებული, მიმწოდებლისათვის დარიცხული და იმ კონკრეტული მომენტისათვის გადაუხდელი პირგასამტეხლოს (0.02%) ოდენობის თანხა.

4. მიღება-ჩაბარების წესი

- 4.1. შესყიდვის ობიექტის (მისი ცალკეული შემადგენელი ნაწილის) მიღება-ჩაბარება ხდება მას შემდეგ, რაც შემსყიდველის მხრიდან ხელშეკრულების შესრულების კონტროლის განხორციელებისას, არ იქნება გამოვლენილი შესყიდვის ობიექტის (მათ შორის ინსტალაციის) რაიმე ნაკლი ან ხარვეზი.
 4.2. შესყიდვის ობიექტის (მისი ცალკეული შემადგენელი ნაწილის) მიღება-ჩაბარება დასტურდება ამ ფაქტის დამადასტურებელი შესაბამისი აქტით, რომელსაც ხელს აწერენ ორივე მხარის უფლებამოსილი წარმომადგენლები.

5. შესყიდვის ობიექტის მიწოდების ადგილი და ვადა

5.1. შესყიდვის ობიექტის მიწოდების ადგილია „შემსყიდველის“ ოფისი ქ. თბილისში.

5.2. შესყიდვის ობიექტის მიწოდების საერთო ვადა განისაზღვრება ხელშეკრულების დადებიდან არაუგვიანეს 2018 წლის 31 დეკემბრისა, ხოლო მისი ცალკეული შემადგენელი ნაწილ(ებ)ის მიწოდება ხდება №1 დანართში მითითებული ვადების შესაბამისად.

6. მხარეთა უფლება-მოვალეობანი

6.1. „შემსყიდველი“ უფლებამოსილია:

- ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის კონტროლი;
- ბ) მიწოდების დასრულებამდე გამოითხოვოს „მიმწოდებლისაგან“ მისთვის საჭირო დოკუმენტაცია.

6.2. „შემსყიდველი“ ვალდებულია:

- ა) უზრუნველყოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს ხელშეკრულების შესრულების მიმდინარეობის პროცესს.

6.3. „მიმწოდებელი“ უფლებამოსილია მოსთხოვოს „შემსყიდველს“ ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. „მიმწოდებელი“ ვალდებულია:

- ა) შეასრულოს ხელშეკრულების პირობები სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულებაში;
- ბ) უზრუნველყოს ხელშეკრულების შესრულება ტექნიკური დავალებისა და სატენდერო წინადადების შესაბამისად;
- გ) საკუთარი სახსრებით აღმოფხვრას გამოვლენილი ნაკლი.

7. შესყიდვის ობიექტის გარანტია

7.1. შესყიდვის ობიექტზე ვრცელდება საგარანტიო მომსახურება, რომლის ვადები მოცემულია წინამდებარე ხელშეკრულების №1 დანართში და აითვლება შესაბამისი კონკრეტული მიწოდების განხორციელებიდან.

7.2. შესყიდვის ობიექტის (მისი ცალკეული შემადგენელი ნაწილის) ნებისმიერი ნაკლის/ხარვეზის აღმოჩენის, გაუმართაობის შემთხვევაში, „მიმწოდებელმა“ უფასოდ უნდა გამოასწოროს/აღმოფხვრას იგი შემსყიდველის შეტყობინებიდან 10 კალენდარული დღის განმავლობაში, ხოლო თუ ეს შეუძლებელია, მაშინ შეცვალოს იგივე ტიპის, ხარისხისა და ღირებულების პროდუქციით და მიაწოდოს შემსყიდველს შემსყიდველის თავდაპირველი შეტყობინებიდან 30 კალენდარული დღის განმავლობაში.

8. ხელშეკრულების შესრულების კონტროლი

8.1. „შემსყიდველი“ უფლებამოსილია განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

8.2. ხელშეკრულების შესრულების კონტროლს „შემსყიდველის“ მხრიდან განახორციელებს კოორდინატორი - საინფორმაციო ტექნოლოგიების დეპარტამენტის უფროსი.

8.3. შემოწმების შედეგად გამოვლენილი ნებისმიერი ნაკლის შესახებ „შემსყიდველი“ დაუყოვნებლივ აცნობებს „მიმწოდებელს“ წუნდების მიზეზების მითითებით.

8.4. გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. ხელშეკრულების მოქმედების ვადა და შესრულების უზრუნველყოფის გარანტია

9.1. წინამდებარე ხელშეკრულება მოქმედებს ხელშეკრულების ხელმოწერიდან 2019 წლის 31 იანვრის ჩათვლით, ხოლო ფინანსური ვალდებულებებისა და საგარანტიო ნაწილში - მათ შესრულებამდე.

9.2. ხელშეკრულების შესრულების უზრუნველყოფის გარანტიის ოდენობა, სატენდერო პირობებით, განსაზღვრულია ხელშეკრულების ღირებულების 5%-ით. ამასთან, ვინაიდან სახელმწიფო შესყიდვების სააგენტოს 2017 წლის 18 ივლისის №2057 განკარგულებით, „მიმწოდებელი“ დარეგისტრირებულია თეთრ სიაში, იგი სარგებლობს „ელექტრონული ტენდერის ჩატარების წესის“ 34-ე მუხლის მე-5 პუნქტით მინიჭებული უფლებით და, წინამდებარე ხელშეკრულების დადებამდე, „შემსყიდველს“ წარუდგინა ხელშეკრულების შესრულების უზრუნველყოფის გარანტია ზემოაღნიშნული მოთხოვნილი მოცულობის ნახევრის ოდენობით, ანუ სახელშეკრულებო ღირებულების 2.5%.

9.3. საბანკო გარანტიის მოქმედების ვადა განსაზღვრულია 2019 წლის 31 იანვრის ჩათვლით (შესაბამისი დამადასტურებელი დოკუმენტი, № 3 დანართის სახით, თან ერთვის ხელშეკრულებას, როგორც მისი შემადგენელი ნაწილი).

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ მეორე მხარისათვის წერილობითი გაფრთხილებიდან 3 სამუშაო დღის ვადაში.

10.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ჯარიმა და პირგასამტეხლო



12.1. ფორსმაჟორული გარემოებების გარდა, ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრებათ პირგასამტეხლოს გადახდის ვალდებულება ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.

12.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

12.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

12.4. ხელშეკრულებით გათვალისწინებული ვალდებულებების ცალმხრივად შეუსრულებლობისათვის, მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს 12.1 პუნქტში მითითებული პირგასამტეხლოს (0.02%) დაკისრებას.

13. მხარეთა იურიდიული მისამართები და რეკვიზიტები

„შემსყიდველი“ სს „ელექტროენერგეტიკული სისტემის კომერციული ოპერატორი“	„მიმწოდებელი“ შპს „ჰაი-ტექ სოლუშენს“
ქ. თბილისი, ბარათაშვილის ქ. № 2 სს „თბილისი ბანკის“ ვერის ფილიალი ბანკის კოდი TBCBGE22 ა/ა GE76TB7505936030100001 საიდენტიფიკაციო კოდი 205170036	ქ. თბილისი, მერაბ კოსტავას ქ. 47/57, სს „საქართველოს ბანკი“ ბანკის კოდი: BAGAGE22 ა/ა GE40BG00000000902626800 საიდენტიფიკაციო კოდი 205268315
ვახტანგ ამბოკაძე   გენერალური დირექტორი	მალხაზ სხირტლაძე   დირექტორი

სს „ელექტროენერგეტიკული სისტემის კომერციული ოპერატორის“ და შპს „ჰაი-ტექ სოლუშნს“ შორის
2018 წლის 30 მაისს გაფორმებული ხელშეკრულების დანართი № 1

№	შესყიდვის ობიექტი	იგაყენება	პარამეტრები						საგარანტო ვადა	მიწოდების ვადა
			მწარმოებელი ქვეყანა	მწარმოებელი კომპანია	მოდელი	ერთ. ფასი დღე-ს ჩათვლით	ლიზ-ბა დღე-ს ჩათვლით	საგარანტო ვადა		
1	2	4	6	7	8	9	10	11	12	
1	სერვერი	2	ჩინეთი	Cisco	Cisco UCS 220	31060,81	62121,62	36 თვე		
2	ვირტუალიზაციის პროგრამული უზრუნველყოფა	1	ა.შ.შ.	Vmware	VMware vSphere 6 Essentials Plus Kit for 3 hosts	20604,57	20604,57	12 თვე		
3	სასერვერო კარადა	1	ბრიტანეთი	HP	HPE 42U	3412,51	3412,51	12 თვე		
4	მონაცემთა შენახვის სისტემა	1	პოლანდია	NetApp	E2800A	68320,40	68320,40	36 თვე		
5	უწყვეტი კვების წყარო	2	ჩინეთი	Tripplite	SUIN13000LCD2U	4644,50	9289,00	24 თვე		
6	ლიცენზიები MS Windows Server Standard (2Lic CoreLic)	24	ა.შ.შ.	Microsoft	WinSvrCAL 2016 SNGL OLP C	628,19	15076,56	მუდმივი ლიცენზია		
7	ლიცენზიები Windows UsrCAL	70	ა.შ.შ.	Microsoft	WinSvrCAL SNGL LicSAPk OLP NL	148,68	10407,60	მუდმივი ლიცენზია		
8	ქსელური მარშრუტიზატორი	2	ჩინეთი	Cisco	Cisco ISR 4331 Sec	7497,69	14995,38	12 თვე		
9	ქსელური კომუტატორი 48 პორტოანი	2	ჩინეთი	Cisco	Catalyst 2960-X 48	10338,10	20676,20	12 თვე		
10	ქსელური კომუტატორი 24 პორტოანი	1	ჩინეთი	Cisco	Catalyst 2960-X 24	5608,04	5608,04	12 თვე		
11	უსადენო ქსელთან წვდომის მოწყობილობა	5	ჩინეთი	Cisco	AIR-AP1852I-E-K9	1437,69	7188,45	12 თვე		
12	უსადენო ქსელთან წვდომის მოწყობილობის კონტროლერი	1	ჩინეთი	Cisco	AIR-CT2504-15-K9	6654,97	6654,97	12 თვე		
13	ბრანდმაუერი NG Firewall	2	ჩინეთი	Cisco	ASA 5525-X with	37196,12	74392,24	12 თვე		
14	სასერვერო კარადის კვების გამანაწილებელი	2	ჩინეთი	HP	HPE G2 Basic	1345,73	2691,46	12 თვე		
15	თანმდევი მომსახურება (№ 2 დანართის მიხედვით)	1		HT Solutions		66493,00	66493,00	12 თვე		
სულ							387932,00			

ფაბრიკისგან იმპორტირებული ნაწილები

45 კალენდარული დღე
1-14 პუნქტებით
გაფორმებული
პროდუქციის
მიწოდების თარიღიდან

„შემსყიდველი“

ფაბრიკისგან ამზოკაძე

„მიმწოდებელი“

..... მისთვის სხვებთან





ხელშეკრულების შესრულების საბანკო გარანტია # PE42587-18

თბილისი

24 მაისი 2018 წელი

გარანტი: სს საქართველოს ბანკი (შემდგომში „გარანტი“)

გარანტის საიდენტიფიკაციო კოდი: 204378869

გარანტის მისამართი: გაგარინის ქ. #29ა, თბილისი, 0160, საქართველო

პრინციპალი: შპს პაი-ტექ სოლუშენს (შემდგომში „პრინციპალი“)

პრინციპალის საიდენტიფიკაციო კოდი: 205268315

პრინციპალის მისამართი: საქართველო, თბილისი, ძველი თბილისის რაიონი, კოსტავას ქ., №47/57

ბენეფიციარი: სს ელექტროენერგეტიკული სისტემის კომერციული ოპერატორი (შემდგომში „ბენეფიციარი“)

ბენეფიციარის საიდენტიფიკაციო კოდი: 205170036

საგარანტო თანხა: 9,700 (ცხრა ათას შვიდასი) ლარი

ტენდერის უნიკალური ნომერი: #SPA180004112

მხედველობაში ვიღებთ რა, რომ პრინციპალმა საინფორმაციო სისტემები და სერვერების შესყიდვის მიზნით წარდგენილი სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ, გარანტი, თანახმა ვართ გავცეთ პრინციპალის სახელზე აღნიშნული საბანკო გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე, არაუმეტეს ჯამში 9,700 (ცხრა ათას შვიდასი) ლარი და ვკისრულობთ ზემოთ აღნიშნული თანხის, გადახდას პრინციპალის მიერ ხელშეკრულების პირობების დარღვევის შემთხვევაში ბენეფიციარის წერილობითი მოთხოვნის წარმოდგენის საფუძველზე.

ბენეფიციარის წერილობითი მოთხოვნა თანხის ანაზღაურებაზე წარმოდგენილ უნდა იქნეს ბენეფიციარის მხრიდან აღნიშნულ დოკუმენტზე უფლებამოსილი პირის მიერ ხელმოწერილი ფორმით, სადაც მითითებულ იქნება მოთხოვნილი თანხა ციფრით და სიტყვით, საბანკო რეკვიზიტები და განმარტებული უნდა იყოს კონკრეტულად პრინციპალსა და ბენეფიციარს შორის გაფორმებული ხელშეკრულების რა პირობები იქნა დარღვეული პრინციპალის მხრიდან. მოთხოვნას თან უნდა ერთვის მოთხოვნაზე ხელმოწერილი პირის უფლებამოსილების დამადასტურებელი დოკუმენტი (ბანკი უფლებამოსილია არ მოითხოვოს აღნიშნული საბუთი, თუ ხელმოწერილი პირის უფლებამოსილების შესახებ ინფორმაცია საჯაროდ ხელმისაწვდომია) და საბანკო გარანტიის ასლი.

წინამდებარე გარანტია ძალაშია პრინციპალის მიერ ხელშეკრულების პირობების შესრულების საბოლოოდ დამთავრებამდე, მაგრამ არაუგვიანეს: 31 იანვარი 2019 წელი, შესაბამისად წინამდებარე გარანტია მოქმედებს აღნიშნული თარიღის ჩათვლით.

ზემოთქმულიდან გამომდინარე, ბენეფიციარის მიერ წარმოდგენილი წერილობითი მოთხოვნის ორიგინალი დოკუმენტი თანხის ანაზღაურებაზე, გარანტის მიერ მიღებულ უნდა იქნას გარანტიის მოქმედების ვადის ჩათვლით სს „საქართველოს ბანკის“ სათაო ოფისში, კანცელარიის სამსახურში, ვაჭრაბის ფინანსირების დეპარტამენტის საყურადღებოდ, თბილისის დროით (UTC / GMT +04: 00 საათი) 17:00 საათის ჩათვლით, შემდეგ მისამართზე: გაგარინის ქ.#29ა, თბილისი 0160, საქართველო.

საბანკო გარანტია ავტომატურად უქმდება ქვემოაღნიშნული გარემოებებიდან ერთ-ერთის დადგომისთანავე:

- საბანკო გარანტიის ვადის გასვლით.
- გარანტის მიერ ბენეფიციარისთვის იმ თანხის გადახდით, რომელზედაც გაიცა საბანკო გარანტია.
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმით.

გარანტის მიმართ საბანკო გარანტიიდან გამომდინარე ბენეფიციარის კუთვნილი მოთხოვნის უფლების გადაცემა/დათმობა სხვა პირისათვის დაუშვებელია გარანტის წერილობითი თანხმობის გარეშე.

წინამდებარე საბანკო გარანტია რეგულირდება საქართველოს კანონმდებლობით.

პაი-ტექ სოლუშენსი
ეთერ-სიბი
გაგარინის ქ. #29ა, თბილისი 0160, საქართველო



205170036